



22. marts 2024

UPA2024/86

Inatsisartut Suleriaasianni § 36 naapertorlugu oqallisissiatut siunnersuut imaattoq matumuuna saqqummiuppara:

**Akilerartarnikkut inatsisit missiliuussinikkut angissusiliisarnermi, innuttaasut pisortanut naammangittaaliornerminni uppersaasussaaajunnaarnissaat pillugu naleqqussassaanersut pillugit oqallisissiatut siunnersuut.**

(Inatsisartunut ilaasortaq Pele Broberg, Naleraq)

Ukiorpaalunni Akilerartarnermut naammangittaalliutit innuttaasuniit arlaqarsimapput, allaalluunniit innuttaasut inatsisitigut isumannaatsumik sullinneqarnersut apeqqusernarluni.

Akilerartarnikkut equngasorpassuaqartoq, uani akilerartarnermi pisorta qarfirmiit naliliisarnerrata eqquinerluttarnera taakkartorniarpaa.

Akilerartarnermut Aqutsisoqarfik innuttaasut isertitaannik, namminersortuaqqatut ingerlatsinerannit imaluunniit ApS-itut ingerlaneranni naliliisarnerrup apeqqutaatinneqanngilaq.

Assersuutitut takuneqarsinnaavoq Akileraruserinermik ingerlatsineq pillugu Inatsisartut inatsisaat<sup>1</sup> §12, akilerartartut uppersaasagassaringaat inatsit malillugu isertitaqarsimaneq. Maluginiaqqullugu pisortanit naliliinermi, innuttaasut suliffeqarfifillu assigalugit piumasaqaatitaqartoqarani. Taamatuttaaq Aningaasarsianit akilerartutit pillugit Inatsisartut inatsisaat<sup>2</sup> immikkoortorta qarpoq arlalinnik, akilerartarnermut aqutsisoqarfik naliliisinnaaneranut periarfissiisoq. Naliliineq uppersaasaratit suliarisinnaasaat, innuttaasut suliffeqarfifillu akerlerluinnaanik pillugit.

Inuiaqatigiit taama ikitsigitilluta, nalornisoqartillugu innuttaasut illersorlugit inissittariaqarpugut. Naalakkersuisullu peqquneqassapput innuttaasut uppersaasannissamut piumasaqaat piissagaat. Akilerartarnermut Aqutsisoqarfimmiit inatsisaattumik ingerlatsisoqartillugu pasitsaassippata, eqqartuussivikkoortitsisarnissaat ingerlanneqassaaq. Innuttaasut asuli pasillernagit uppersaateqaqqusaallutik. Maalaarnissamullu periarfissat naammassinissaata tungaanut erniaaqartitsisassanatik.

Akilerartarnermut Aqutsisoqarfik innuttaasut akornani kaaviiartitamininnguagut piniarlugit kaasarfiussanngillat, qulakkiigassarivaat ingerlatsineq eqaatsoq paasiuminartoq ingerlanneqarnissaa. Maannatut pisortani ingerlatsinermi pisarissersorusukkaanni, innuttaasunut tutsinneqassanngilaq. Taamaammat akilerarusiinernik aaliangiisartut innuttaasunik illersuillutik inissinnissaat pisariaqarpoq. Maalaarfittuunngitsoq innuttaasut uppersaasussanngorlugit.

<sup>1</sup> [https://nalunaarutit.gl/groenlandsk-lovgivning/2006/ltl-11-2006?sc\\_lang=kl-GL](https://nalunaarutit.gl/groenlandsk-lovgivning/2006/ltl-11-2006?sc_lang=kl-GL)

<sup>2</sup> [https://nalunaarutit.gl/groenlandsk-lovgivning/2006/ltl-12-2006?sc\\_lang=kl-GL](https://nalunaarutit.gl/groenlandsk-lovgivning/2006/ltl-12-2006?sc_lang=kl-GL)



# Naleraq

Apeqqummut pingaaruteqarluinnartumut pitsaasumik piviusorsiortumillu oqallinnissaq qilanaaralugu.